

**პროფესიული საგანმანათლებლო დაწესებულებების ავტორიზაციის საბჭოს
სხდომის ოქთი №17**

ქ. თბილისი

12.12.2016

სხდომას ესწრებოდნენ:

**პროფესიული საგანმანათლებლო დაწესებულებების ავტორიზაციის საბჭოს (შემდგომში -
საბჭო) წევრები:**

ნიკოლოზ ჩაჩიანი - პროფესიული განათლების ექსპერტი, Chemonics International, საბჭოს
თავმჯდომარე;

მაია ჩიხლაძე - ა(ა)იპ - საქართველოს კერძო კოლეჯების ასოციაციის ვიცე-პრეზიდენტი, შპს „საზოგადოებრივ კოლეჯ პანაცეას“ დირექტორის მოადგილე, საბჭოს სხდომის მდივანი;

ილგუჯა მელაძე - ა(ა)იპ - საქართველოს დამსაქმებელთა ასოციაციის პრეზიდენტი;

მარია ჯანჯალია - სსიპ - განათლების მართვის საინფორმაციო სისტემის უფროსის
მოადგილე.

ირაკლი პეტრიაშვილი - ა(ა)იპ - საქართველოს პროფესიული კავშირების გაერთიანების
თავმჯდომარე.

სსიპ - განათლების ხარისხის განვითარების ეროვნული ცენტრის (შემდგომში - ცენტრი)
წარმომადგენლები:

ლევან მადათოვი - შესაბამისობის შეფასებისა და მონიტორინგის სამმართველოს უფროსი.

ა(ა)იპ - საქართველოს საპატრიარქოს დეკორატიული მებაღეობის საზოგადოებრივი კოლეჯის
წარმომადგენლები:

ზურაბ შევარდნაძე - დირექტორი;

მონაზონი თეკლე სიხარულიძე - დირექტორის მოადგილე;

მანანა ელბაქიძე - დირექტორის მოადგილე;

ირინა დვალი - ხარისხის მართვის სამსახურის უფროსი.

ავტორიზაციის ექსპერტები (შემდგომში - ექსპერტები):

შორენა ჯაფარიძე;

მარა დანელია.

საბჭოს სხდომა დაიწყო 13:15 საათზე.

საქართველოს განათლებისა და მეცნიერების მინისტრის 2010 წლის 1 ოქტომბრის №99/6
ბრძანებით დამტკიცებული „საგანმანათლებლო დაწესებულებების ავტორიზაციის
დებულების“ 22-ე მუხლის მე-4 პუნქტის თანახმად, სხდომას უხელმძღვანელა საბჭოს წევრმა,
ნიკოლოზ ჩაჩიანმა. ამავე ნორმის თანახმად, საბჭოს მდივნის მოვალეობა შეასრულა საბჭოს
წევრმა მარა ჩიხლაძემ.

სხდომის თავმჯდომარემ შეამოწმა სხდომაზე დამსწრე საბჭოს წევრების რაოდენობა და
დაადგინა, რომ საქართველოს განათლებისა და მეცნიერების მინისტრის 2010 წლის 1
ოქტომბრის №99/6 ბრძანებით დამტკიცებული „საგანმანათლებლო დაწესებულებების



ავტორიზაციის დებულების" 22-ე მუხლის მე-5 პუნქტის შესაბამისად, სხდომა უფლებამოსილია, რადგან ესწრება საბჭოს წევრების სიითი შემადგენლობის ნახევარზე მეტი. თავმჯდომარემ საბჭოს წევრებს მიუთითა დებულების 24-ე მუხლის მე-2 პუნქტის მოთხოვნა, რომლის თანახმად, საბჭოს წევრი არ არის უფლებამოსილი, თავი შეიკავოს ხმის მიცემისგან.

თავმჯდომარემ საბჭოს წევრებს გააცნო სხდომის დღის წესრიგი:

1. ა(ა)იპ - საქართველოს საპატრიარქოს დეკორატიული მებაღეობის საზოგაოდებრივი კოლეჯის ავტორიზაციის საკითხის განხილვა.

სხდომის თავმჯდომარემ საბჭოს წევრებს, ცენტრის წარმომადგენლებსა და დაინტერესებულ მხარეებს მიმართა, დღის წესრიგთან დაკავშირებით ხომ არ ჰქონდათ რაიმე შუამდგომლობა.

შუამდგომლობა არ იქნა წარმოდგენილი. შესაბამისად, საბჭოს წევრებმა წარმოდგენილი სახით ერთხმად დაამტკიცეს სხდომის დღის წესრიგი.



1. ა(ა)იპ - საქართველოს საპატრიარქოს დეკორატიული მებაღეობის საზოგადოებრივი კოლეჯის ავტორიზაციის საკითხის განხილვა

სხდომის თავმჯდომარემ დაწესებულების წარმომადგენელს მიმართა, ხომ არ ჰქონდა საბჭოს წევრების მიმართ აცილება. წარმომადგენელმა დაადასტურა, რომ საბჭოს წევრების მიმართ აცილება არ ჰქონდა.

სხდომის თავმჯდომარემ მიმართა საბჭოს წევრებს, დაედასტურებინათ, რომ იცნობდნენ დაწესებულების მიერ წარმოდგენილ თვითშეფასების კითხვარსა და ავტორიზაციის ექსპერტთა ჯგუფის დასკვნას. საბჭოს წევრებმა დაადასტურეს, რომ იცნობდნენ საქმის მასალებს. სხდომის თავმჯდომარემ ჰქითხა დაინტერესებული მხარის წარმომადგენელს, იცნობდა თუ არა ავტორიზაციის ექსპერტთა ჯგუფის დასკვნას. წარმომადგენელმა დაადასტურა, რომ იცნობდა დასკვნას. შესაბამისად, სხდომის თავმჯდომარემ სთხოვა სხდომის მდივანს, რომ საქმის მასალები - თვითშეფასების კითხვარი და ექსპერტთა ჯგუფის დასკვნა - დაერთო ოქმისთვის, როგორც მისი განუყოფელი წარმატება.

ავტორიზაციის ექსპერტთა ჯგუფის დასკვნა საბჭოს წინაშე წარადგინეს ექსპერტებმა შორენა ჯაფარიძემ და მაია დანელიამ.

ექსპერტმა განაცხადა, რომ დაწესებულება გახლდათ ავტორიზებული პროფესიული საგანმანათლებლო დაწესებულება, რომელსაც საგანმანათლებლო დაწესებულებების ავტორიზაციის საბჭოს 2011 წლის 13 დეკემბრის №392 გადაწყვეტილებით მინიჭებული ჰქონდა პროფესიული საგანმანათლებლო პროგრამების განხორციელების უფლება და სტუდენტთა ზღვრული ოდენობა განსაზღვრული ჰქონდა 250 სტუდენტის ოდენობით.

დაწესებულებას საავტორიზაციოდ წარმოდგენილი ჰქონდა სამი საგნობრივი პროფესიული საგანმანათლებლო პროგრამა:

№	პროგრამის დასახელება	პროფესიული განათლების საფეხური	მისანიჭებელი პროფესიული კვალიფიკაცია	კრედიტების რაოდენობა
1	მებაღე (დეკორატიული მცენარეების)	მესამე	მებაღის (დეკორატიული მცენარეების) მესამე საფეხურის პროფესიული კვალიფიკაცია	60
2	ბალის დიზაინერი	მეხუთე	ბალის დიზაინერის მეხუთე საფეხურის პროფესიული კვალიფიკაცია	120
3	ფლორისტული დიზაინის სპეციალისტი	მესამე	ფლორისტული დიზაინის სპეციალისტის მესამე საფეხურის პორფესიული კვალიფიკაცია	55

1. საგანმანათლებლო პროგრამებთან მიმართებით დაფიქსირდა შემდეგი ხარვეზები:
 - მებაღის (დეკორატიული მცენარეების) მესამე საფეხურის პროფესიული საგანმანათლებლო პროგრამით გათვალისწინებული მისანიჭებელი კვალიფიკაციის დასახელება არ შესაბამებოდა შესაბამის პროფესიულ სტანდარტში წარმოდგენილს. ვიზიტის პერიოდში მოხდა ცვლილება პროგრამაში და კვალიფიკაციის დასახელება ჩაწერილ იქნა შემდეგი რედაქციით: „მებაღის (დეკორატიული მცენარეების) მესამე საფეხურის პროფესიული კვალიფიკაცია“;
 - მებაღის (დეკორატიული მცენარეების), ბაღის დიზაინერის და ფლორისტული დიზაინის სპეციალისტის პროფესიული საგანმანათლებლო პროგრამების სწავლის შედეგების რუკებში მითითებული იყო, რომ ზოგიერთ სასწავლო კურსს უნდა განევითარებინა ცოდნის პრაქტიკაში გამოყენების უნარი, რასაც არ ითვალისწინებდა სასწავლო კურსის შესაბამისი სილაბუსების მიზანი და სწავლის შედეგი. დაწესებულების წარმომადგენელთან გასაუბრების შედეგად, ექსპერტებმა ჩათვალეს, რომ ადგილი ჰქონდა მექანიკურ შეცდომას, ამიტომ სწავლის შედეგების რუქაში შეტანილ იქნა კორექტირება სილაბუსების წარმოდგენილი ჩანაწერების შესაბამისად;
 - ბაღის დიზაინერის მეუღლე საფეხურის და ფლორისტული დიზაინის სპეციალისტის მესამე საფეხურის პროფესიულ საგანმანათლებლო პროგრამებში იყო იდენტური შინაარსის, მიზნისა და სწავლის შედეგების სასწავლო კურსი „ბოტანიკა“. ვიზიტის პერიოდში ბაღის დიზაინერის მეუღლე საფეხურის სასწავლო კურსში, „ბოტანიკა“ შეტანილ იქნა ცვლილებები, კერძოდ: სწავლის შედეგები შესაბამისობაში იქნა მოყვანილი ეროვნული საკვალიფიკაციო ჩარჩოში წარმოდგენილი კვალიფიკაციათა აღმწერის პროფესიული განათლების მეუღლე საფეხურის სწავლის შედეგებთან;
 - პროგრამის სასწავლო კურსებში წარმოდგენილი შეფასების სისტემა იყო მრავალკონენტიანი, თუმცა სილაბუსებში არ იყო მითითებული როგორ ხდებოდა ცალკეული კომპონენტების ფარგლებში ქულების გადანაწილება. დაწესებულების მიერ წარმოდგენილი იქნა სხვადასხვა სასწავლო კურსებისათვის შედგენილი ინსტრუმენტების ნიმუშები, მაგ: ტესტები, დაკვირვების ფურცლები, სადაც ნათლად ჩანდა შეფასების კომპონენტებს შორის ქულების გადანაწილება.
 - აღსანიშნავი იყო, რომ ექსპერტთა ვიზიტის დროს დაწესებულების უფლებამოსილი პირი - დირექტორი ადგილზე არ იმყოფებოდა. ვიზიტის პერიოდში პროგრამებში შეტანილი ცვლილები განხორციელებული იქნა დაწესებულების ადმინისტრაციულ და მატერიალურ-ტექნიკურ დარგში დირექტორის მოადგილის ბრძანების საფუძველზე (დანართი2), რომელსაც მინიჭებული ჰქონდა უფლებამოსილება დაწესებულების დირექტორის 2011 წლის 8 დეკემბრის №30 ბრძანებით დამტკიცებული დებულების მუხლი 11, პუნქტი 2-ის თანახმად (დანართი1). ასევე დაწესებულებამ წარმოადგინა დირექტორის 2016 წლის 5 ნოემბერს გაცემული მინდობილობა რომლის შესაბამისად დირექტორის მივლინებასთან დაკავშირებით, 2016 წლის 8 ნოემბრიდან 1 დეკემბრის ჩათვლით, კოლეჯის ხელმძღვანელობა/უფლებამოსილება ენიჭებოდა დირექტორის მოადგილეს ადმინისტრაციულ და მატერიალურ-ტექნიკურ დარგში.
 - დაწესებულებას შემუშავებული ჰქონდა კოლეჯის 2011 წლის 11 ნოემბრის №23 ბრძანებით დამტკიცებული დოკუმენტი „საგანმანათლებლო პროგრამის შეცვლის ან გაუქმების შემთხვევაში შესაბამისი პროგრამის სტუდენტების შემდგომი განათლებით უზრუნველყოფის მექანიზმები“. ექსპერტებმა დააფიქსირეს, რომ ზემოაღნიშნულ დოკუმენტში არ იყო ნათლად განსაზღვრული გაუქმების შემთხვევაში შესაბამისი

ქ. ბ. ბერიძე

პროგრამის სტუდენტების შემდგომი განათლებით უზრუნველყოფის მექანიზმები. ვიზიტის პერიოდში დირექტორის მოვალეობის შემსრულებლის 2016 წლის 15 ნოემბრის №23 ბრძანების საფუძველზე წესში შეტანილ იქნა ცვლილება, იმის გათვალისწინებით, რომ აღნიშნულ ეტაპზე დაწესებულების მიერ წარმოდგენილი პროგრამების მსგავსი პროგრამები სხვა დაწესებულებებში არ ხორციელდებოდა.

2. მატერიალურ რესურსთან მიმართებით დაფიქსირდა შემდეგი გარემოებები:

- საქართველოს საპატრიარქოს დეკორატიული მებაღეობის საზოგადოებრივ კოლეჯს თხოვნის უფლებით 6.10.2011 წელს სსიპ - საქართველოს საპატრიარქოდან 15 წლის ვადით აღებული ჰქონდა 3 შენობა და სათბური საერთო ფართიტ 884.61 კვ.მ. აღსანიშნავი იყო, რომ დაწესებულების თვითშეფასების კითხვარში მითითებული ჰქონდა საერთო ფართი 873,72 კვ.მ, ხოლო აზომვითი ნახაზის მიხედვით ფართი შედაგენდა 884.61 კვ.მ-ს რაც 10.89 კვ.მ-ით მეტი იყო ვიდრე დაწესებულების მიერ მითითებული ფართი.
- ტექნიკური მიზეზების გამო 4 სართულიანი კოშკის შენობაში პანდუსების მოწყობა შეუძლებელი იყო. ადმინისტრაციის განმარტებით, პროგრამის სპეციფიკიდან გამომდინარე მოძრაობის შეზღუდვის მქონე სსსმ სტიდენტები არ ჰყოლიათ, თუმცა აღნიშნული კატეგორიის სსმ სტუდენტების არსებობის შემთხვევაში მეცადინეობები ჩატარდებოდა ერთსართულიან შენობაში მდებარე მებაღეობის პრაქტიკული მეცადინეობის ლაბორატორიაში.

ექსპერტმა განაცხადა, რომ დაწესებულების მიერ გათვალისწინებული და გამოსწორებული იყო ყველა შენიშვნა ვიზიტის მიმდინარეობის პროცესში რაც დასკვნაშიც აისახებოდა. დაწესებულება გადიოდა რეავტორიზაციას, დაწესებულებას ჰქონდა კარგი პრაქტიკის ობიექტები, ერთ ერთი გახლდათ გარდენა.

თავმჯდომარემ სიტყვა გადასცა დაწესებულების წარმომადგენელს.

წარმომადგენელმა განაცხადა, რომ დაწესებულებას ჰქონდა საპატრიარქოს და განათლებისა და მეცნიერების სამინისტროს მხარდაჭერა, იდებოდა ინვესტიციები სათბურების ასაშენებლად, თუმცა იყო ბევრი რამ რაც კიდევ უფრო მეტად შეუწყობდა ხელს მათი სფეროს განვითარებას, ეს გახლდათ საერთო საცხოვრებლები გორში, ბათუმში, შენობები, მიწის ნაკვეთები, სასათბურე მეურნეობა და ა.შ.

თავმჯდომარემ კენჭისყრაზე დააყენა (ა)იპ - საქართველოს საპატრიარქოს დეკორატიული მებაღეობის საზოგაოდებრივი კოლეჯის ავტორიზაციის საკითხი. კენჭისყრის შედეგად პროფესიულ სტუდენტთა რაოდენობა წინა ავტორიზაციის შესაბამისად განისაზღვრა 250 ადგილით.

კენჭისყრის შედეგები:

მომხრე - 5

წინააღმდეგი - 0

ქ. ბერიძე

გადაწყვეტილება:

„განათლების ხარისხის განვითარების შესახებ“ საქართველოს კანონის მე-11 მუხლის მე-2 პუნქტის „ა“ ქვეპუნქტის, მე-12 მუხლის, საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ 24-ე მუხლის პირველი პუნქტის „ა“ ქვეპუნქტის შესაბამისად, ა(ა)იპ - საქართველოს საპატრიარქოს დეკორატიული მებაღეობის საზოგადოებრივ კოლეჯს (ს/კ:404409261) მიენიჭოს პრიფესიული საგანმანათლებლო დაწესებულების სტატუსი (საზოგადოებრივი კოლეჯი) და პროფესიულ სტუდენტთა ადგილების ზღვრული რაოდენობა განესაზღვროს 250-ით.

დღის წესრიგით განსაზღვრული საკითხის განხილვის შემდეგ 14:00 საათზე სხდომა დახურულად გამოცხადდა.

თავმჯდომარე
ნიკოლოზ ჩაჩხიანი

მდივანი
მარა ჩიხლაძე